

اتوار 27 اکتوبر، 2019

مضمون۔ مرن دے بعدوں امتحان

سنہری متن: زبور 12:74 آیت

”رب ورھیاں توں میرا بادشاہ اے جیہڑا دھرتی اُتے مکتی دیندا اے۔“

جوابی پڑھائی: زبور 1:16، 5، 7، 11 آیتاں

- 1- اے ربامیری حفاظت کر کیوں جے میں تیرے وچ ای پناہ لیناواں۔
- 5- رب ای میری میرا اے تے میرے پیالے دا حصہ اے۔ تو میرے بخرے دا محافظ ایس۔
- 7- میں رب دی وڈھائی کراں گا جنھے مینوں نصیحت دتی اے۔ بلکہ میرا دل رات نوں میری تربیت کردا اے۔
- 8- میں رب نوں ہمیشہ اپنے سامنے رکھیا۔ کیوں جے اوہ میرے سچے ہتھ اے ایس لئی مینوں جنبش نہ ہووے گی۔
- 9- ایسے پاروں میرا دل خوش تے میری روح شادمان اے۔ میرا بدن وی امن سکون وچ رہوے گا۔

- 10- کیوں جے تو میری جان نوں نہ پاتال وچ رہن دیویں گانہ اپنے مقدس نوں سڑن دیویں گا۔
- 11- توں مینوں حیاتی دی راہ دکھائیں گا۔ تیرے حضور وچ پوری شادمانی اے۔ تیرے سجے ہتھ وچ ہمیشہ دی خوشی اے۔

درسی وعظ

بائبل وچوں

1- امثال 6 باب 20 توں 23 آیتاں

- 20- اے میرے پتر! اپنے پیو دے حکماں نوں من تے اپنی ماں دی تعلیم نوں نہ چھڈ۔
- 21- ایہناں نوں اپنے دل نال بنھ کے رکھ تے اپنے گلے دا طوق بنالے۔
- 22- ایہہ ٹردیاں ہوئے تیری راہبری تے سون ویلے تیری نگہبانی تے جاگن ویلے تیرے نال گلاں کرے گی۔
- 23- کیوں جے فرمان چراغ اے تے تعلیم لو تے تربیت دی ملامت حیاتی دی راہ اے۔

2- میکاہ 6 باب 8 آیت

8- اے انسان اوہنے تیرے اُتے نیکی ظاہر کرتی اے۔ ایہدے علاوہ خداوند تیتھوں کبہ چاؤندا اے پئی تو نیاں کریں تے رحم دلی نوں عزیز رکھیں تے اپنے رب دے سامنے فروتنی نال ٹریں؟

3- متی 28 باب 18 (توں دو جا،) آیت

18- یسوع نے کول آکے اوہناں نال ایہہ گلاں کیتیاں۔

4- لوقا 16 باب 19 توں 31 آیتاں

19- اک دولت مند سی جیہڑا ارغوانی تے مہین کپڑے پاؤندا اسی تے ہر روز خوشی کرداتے بڑی شان نال رہندا سی۔

20- تے لعزر نام دا اک غریب بندہ ناسوراں نال بھریا ہو گیا اوہدے بوہے اُتے سُٹیا گیا سی۔

21- اوہنوں تانگ سی پئی امیر بندے دی میز اتوں ڈگے ہوئے ٹکڑیاں نال اپنا ٹیڈھ بھرے بلکہ کتے وہ آکے اوہدے ناسور چٹ دے سی۔

22- تے اہنچ ہو پیا پئی اوہ غریب مر گیا تے فرشتیاں نے اوہنوں لے جا کے ابراہیم دی جھولی وچ اڑا دتا تے امیر بندہ وی مریا تے دفن ہو پیا۔

23- اوہنے روحاں دے عالم دے وچا لے عذاب وچ پے کے اپنیاں اکھیاں چکیاں تے ابراہیم نوں دوروں ویکھیا تے اوہدی جھولی وچ لعزرنوں۔

24- تے اوہنے پکار کے آکھیا اے باپ ابراہیم میرے اُتے رحم کر کے لعزرنوں گھل پئی اپنی انگلی دا سراہیں کے میری جیب نوں تر کرے کیوں جے میں ایس اگ وچ تڑن داواں۔

25- ابراہیم نے آکھیا پتر! یاد کر پئی توں اپنی حیاتی وچ اپنیاں چنگیاں شیواں لے چکیاں تے ایسے طراں لعزر بھیڑیاں شیواں پرہن دا وہ ایہتھے سکون وچ اے تے توں تڑن داواں۔

26- تے ایہناں ساریاں گلاں دے علاوہ تیرے تے ساڈے وچکارا ک وڈھا کھڈا بنیا اے۔ اہنچ دا پئی جیہڑے ایہتھوں تیرے کول جانا چاؤن اوہ نہ جاسکن تے نہ کوئی اودھروں ساڈے ول آسکے۔

27- اوہنے آکھیا اے باپ! میں تیری منت کرداواں پئی توں اوہنوں میرے پیو دے گھر گھل۔

28- کیوں جے میرے پنج بھرانیں پئی اوہ اوہناں دے سامنے ایہناں گلاں دی گواہی دیوے۔ اہنچ نہ ہووے پئی اوہ وی ایس عذاب والی تھاں اُتے آؤن۔

29- ابراہیم نے اوہنوں آکھیا اوہناں دے کول موسیٰ تے نبی ہے نہیں۔ اوہناں دی سنن۔

30- اوہنے آکھیا نہیں اے باپ ابراہیم۔ ہاں جے کوئی مردیاں وچوں اوہناں دے کول جاوے تے فیر اوہ توبہ کرن گے۔

31- اوہنے اوہنوں آکھیا جدا وہ موسیٰ تے نبیاں دی ای سنیں سن دے تے جے کوئی مردیاں وچوں جی اٹھے تے اوہدی وی نہ منن گے۔

5- متی 13 باب 1، 3، (توں دو جا)، 47، 48 آیتاں

- 1- او سے دن یسوع گھروں نکل کے جھیل دے کنڈے اُتے جا بیٹھیا۔
- 3- تے او نے اوہناں نال بوہت ساریاں گلاں تمثیلاں وچ کیتیاں۔
- 47- فیر اسمان دی باد شاہی اوس وڈھے جال وانگر اے جیہڑا دریا وچ سُٹیا گیا تے او نے ہر طراں دیاں مچھلیاں کھچ لیاں۔
- 48- تے جدوں اوہ بھر گیا تے اوہنوں کنڈے اُتے کھچ لیاے تے بہہ کے چنگیاں چنگیاں تے پانڈھیاں وچ جمع کر لیا تے جیہڑیاں خراب سی اوہ سُٹ دیتیاں۔

6- یعقوب 1 باب 2 توں 6 (توں پہلا)، 12 آیتاں

- 2- اے میرے بھراؤ! جدوں تسی نویاں نویاں ازمانشاں وچ پوو۔
- 3- تے ایہنوں ایہہ جان کے کمال خوشی دی گل سمجھنا پئی تہاڈے ایمان دی آزمائش صبر پیدا کر دی اے۔
- 4- تے صبر نوں اپنا پورا کم کرن دیوتاں جو تسی پورے تے کامل ہو جاو تے تہاڈے وچ کسے گل دا گھاٹانہ ہووے۔

5- پر جے تہاڈے وچوں کسے وچ سیان دا گھاٹا ہووے تے رب توں منگے جیہڑا ملامت کیتے بغیر ساریاں نوں
فیاضی نال دیندا اے۔ اوہنوں دتی جاوے گی۔

6- پر ایمان نال منگے تے شک نہ کرے۔

12- دھن اوہ بندہ اے جیہڑا آزمائش نوں برداشت کردا اے کیوں جے جدوں مقبول ٹھہریا تے حیاتی دا اوہ
تاج پاوے گا جیہڑا رب نے اپنے پیار کرن والیاں نال وعدہ کیتا ہوئیا اے۔

7- افسیوں 2 باب 1، 2، 4 توں 10 آیتاں

1- تے اوہنے تہانوں وی زندہ کیتا جدوں اپنے قصوراں تے پاپاں دے پاروں مردہ سی۔

2- جنہاں اُتے تسی پہلاں توں جگ دی روش اُتے ٹردے سی تے ہوا دی عملداری دے حاکم یعنی اوس روح
مگر ٹردے سی جیہڑی ہن نافرمانی دے پتراں وچ اثر رکھدی اے۔

4- پر رب نے اپنے رحم دی دولت نال اوس وڈھی محبت دے پاروں جیہڑی اوہنے ساڈے نال کیتی۔

5- جدوں قصوراں دے پاروں مردہ ای سی تے ساہنوں مسیح دے نال جیوندہ کیتا۔ (تہانوں فضل نال ای مکتی
ملی اے)۔

6- تے مسیح یسوع وچ شامل کر کے ساہنوں اوہدے نال جوایا تے اسمان دیاں تھانواں اُتے اوہدے نال بٹھایا۔

7- تاں جو اوہ اپنی اوس مہربانی نال جیہڑی مسیح یسوع وچ ساڈے اُتے اے آؤن والے زمانیاں وچ اپنے فضل
دی بوہت زیادہ دولت وکھاوے۔

8- کیوں جے تہانوں ایمان دے راہیں فضل نال ای مکتی ملی اے تے ایہہ تہاڈے ولوں نہیں۔ رب دی دین اے۔

9- تے نہ کماں دے پاروں اے پئی کوئی فخر نہ کرے۔

10- کیوں جے اسی اوہدی ای کارگیری آں تے مسیح یسوع وچ اوہناں نیک کماں لئی مخلوق ہوئے آں جنہاں نوں رب نے پہلاں توں ساڈے کرن لئی تیار کیتا سی۔

8- فلپیوں 2 باب 12 (میرا پیارا) توں 16 (توں؛) آیتاں

12- اے میرے پیارے! جیویں تو ہمیشہ توں فرمانبرداری کرد آ یا ایں او سے طراں ہن وی نہ صرف میرے ہندیاں بلکہ میرے نہ ہندیاں اوہدے توں وی بوہتا ڈردے تے کمبندے ہوئے اپنی مکتی دے کم کردے جاؤ۔

13- کیوں جے جیہڑا تہاڈے وچ نیت تے عمل دونواں نوں اپنے نیک ارادے نوں پورا کرن لئی پیدا کردا اے اوہ رب اے۔

14- سارے کم شکایت تے تکرار توں بغیر کریا کرو۔

15- تاں جو تسی بے عیب تے بھولے ہو کے ونگے تے کج رولو کاں وچ رب دے بے نقص بندے بنو، جنہاں دے وچ کارتسی جگ وچ دیونیاں وانگر وکھالی دیندے او۔

16- تے حیاتی دا کلام پیش کردے او۔

9- 1 تھسلیٹیکوں 5 باب 8، 9، 21 آیتاں

8- پر اسی جیہڑے دن دے آں ایمان تے محبت دا بکتر لا کے تے مکتی دی آس دا خود پا کے ہوشیار رہے۔

9- کیوں جے رب نے ساہنوں غضب لئی نہیں بلکہ ایس لئی مقرر کیتا پئی اسی اپنے رب یسوع مسیح دے راہیں مکتی حاصل کریئے۔

21- ساریاں گلاں نوں آزماؤ۔ جیہڑی چنگی ہووے اوہنوں پھڑ کے رکھو۔

سائنس تے صحت

1- 31-27:246

حیاتی ہمیشہ دی اے۔ ساہنوں ایہہ لبعھنی چاہیدی اے تے ایہدے توں اظہار نوں شروع کرنا چاہیدا اے۔
حیاتی تے چنگیائی لافانی نیں۔ تے آواسی وجودیت دے بارے پنے خیالاں نوں عمر تے خوف دی بجائے پیار،
تازگی تے لگاتاری دے نال بنائیے۔

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسرے سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تھسیراں نال بنیاے۔

2- 31-25:495

سوال۔ کر سچن سائنس نوں سمجھن وچ میں کیویں تیزی نال ترقی کر سکدا آں؟
جواب۔ خطنوں پوری طراں پڑھوتے روح نوں اپنے اندر سمالو۔ کر سچن سائنس دے الہی اصول اُتے عمل کرو
تے ثابت قدمی دے نال سیان، پیارتے سچائی اُتے قائم رہندیاں ہوئے رب دے حکماں مگر ٹرو۔

3- 5-3:4

صبر، حلیمی، پیارتے نیک کماں وچ ظاہر ہوون والے فضل وچ ترقی کرن دی پُرجوش تاہنگ لئی ساہنوں دعا
کرن دی لوڑاے۔

4- 21-14-9-4:296

ترقی تجربے نال پیدا ہندوی اے۔ ایہہ فانی انسان دی مضبوطی اے، جیدے راہیں لافانی دی خاطر فانی بندے
نوں چھڈ دتا جاندا اے۔ بھانویں ایہتھے یا ایہدے بعد، تکلیفاں یا سائنس نوں حیاتی تے سیان دے بارے
سارے بھرماں نوں مکلا دینا چاہیدا اے، تے مادی سیان تے خودی نوں نوں سرے توں پیدا کرنا چاہیدا اے۔

مادے دیاں ناں دیاں لذتوں تے پیڑاں نیست ہو جان دیاں نہیں تے اوہناں نوں سچیاں دے شعلے، روحانی
سیان، تے ہستی دی اصلیت دے بیٹھاں ٹرنا پوے گا۔ فانی عقیدے نوں پاپ تے غلطی توں چھٹکارہ پان لئی
اوہناں وچ پائے جان والے سکون نوں مکاؤ ناپے گا۔

چھیتی یادیر نال ایہہ سکھ لیا جاوے گا، تے اوہ تباہی دیاں پیڑاں کد تیکر سہن گے ایہہ انحصار غلطی دی شدت
اُتے اے۔

5- 12-11:213

چنگیائی ول ہرودھ داہو نیا قدم ہادیت پرستی توں وکھ ہونا ایں، تے ایہہ رب، روح ول اک رجحان اے۔

6- 14-5:550

رب حیاتی یا ذہانت اے جیہڑا جانوراں تے ایہدے نال نال انسانوں دی وی پچھان تے انفرادیت نوں بناؤندا
تے بچاکے رکھدا اے۔ رب متناہی نہیں بن سکدا تے مادی حداں وچ محدود نہیں ہو سکدا۔ روح مادہ نہیں بن
سکدی تے نہ ای روح اپنے مخالف دے راہیں ترقی کر سکدی اے۔ اوس بدنام مادی حیاتی دی تفتیش کرن نال

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی
کتاب، ”سائنس تے صحت آیتاں دی کئی دے نال“ وچوں لیاں ہوئیاں لازمی تفسیریں نال بنیاں۔

کیہ ملے گا جیہڑی مک جاندى اے، بالکل او سے طراں ای جیویں ایہہ بے نام عدم توں شروع ہندی اے؟ ہستی دے سچے فہم تے ایہدی کاملیت نوں ہن دظاہر ہونا چاہیدا اے، جیویں ایہہ ایہدے بعد ہووے گا۔

7- 18-4:324

سمجھ تے اپنے آپ دی پاکیزگی ترقی دا ثبوت اے۔ ”دھن نیں اوہ جیہڑے پاکدل نیں؛ کیوں جے اوہ رب نوں دیکھن گے۔“

جدوں تیکر ہم آہنگی تے انسان دی لافانیت بوہتا واضح نہیں ہو جاندا، اوس ویلے تیکر اسی رب دا اصلی تصور نہیں پاسکدے تے بدن اوہدی عکاسی کرے گا جیہڑا اوہدے اُتے حکمرانی کرے گا بھانویں ایہہ سچیاں ہووے یا غلطی، سیان ہووے یا عقیدہ، روح ہووے یا مادہ۔ ایس لئی، ”اوہدے نال ملیا رہ تے سلامت رہویں گا۔“

چالاک، سادہ تے چست رہو۔ جیہڑی راہ ایس فہم ول لے جاندى اے پئی کلا رب ای حیاتی اے اوہ راہ سدھی تے سوڑی اے۔ ایہہ بدن دے نال اک لڑائی اے، جیدے وچ پاپ، بیماری تے موت اُتے ساہنوں فتح پاؤنی چاہیدی اے بھانویں ایہتھے یا ایہدے توں بعد، یقیناً ایس توں پہلاں پئی اسی روح دے مقصد، یارب وچ حیاتی حاصل کرن تیکر اُڑ سکئے۔

8- 12-7:492

ہستی، پاکبازی، ہم آہنگی تے لافانیت اے۔ ایہہ پہلے توں ای ثابت ہو گیا اے پئی ایہدا علم، حالانکہ معمولی درجے اُتے وی، انساناں دے بدنی تے اخلاقی معیار نوں اُچا کرے گا، عمر دی لمبائی ودھاوے گا، کردار نوں پاک تے اُچا کرے گا۔ ایس لئی ترقی ساری غلطی نوں تباہ کرے گی تے لافانیت نوں لووچ لیاوے گی۔

9- 31-30،27-11:22

”اپنی مکتی لئی کوشش کرو“، ایہہ حیاتی تے پیار دی مانگ اے، کیوں جے ایہتھے تیکر پہنچن لئی رب تہاڈے نال کم کردا اے۔ ”تسی قائم رہو وجدوں تیکر میں نہ آنواں!“ اپنے اجردی اڈیک کرو، تے ”نیک کم کرن وچ ہمت نہ ہارو۔“ جے تہاڈیاں کوششاں خوف تے ہراس وچ گھریاں نیں، تے تہانوں ایس ویلے کوئی اجر نسئیں مل رہیا، پرت کے غلطی ول نہ جاؤ، تے نہ ای ایس دوڑ وچ سست ہو جاؤ۔

جدوں جنگ دادھوواں چھٹ جاندا اے، تسی اوس چنگلیائی نوں جان جاؤ گے جیہڑی تسی کیتی اے، تے تہاڈے حق دے مطابق تہانوں ملے گا۔ رب ساہنوں آزمائش وچوں کڈھن لئی جلد باز نسئیں اے، کیوں جے پیار دا مطلب اے پئی تہانوں آزما تے پاک کیتا جاوے گا۔

غلطی توں اخیرى رہائی، جیدے بیٹھاں رہندیاں ہوئے اسی لافانیت، بے انتہا آزادی، بے گناہ سیان وچ خوش
ہوندیاں ہوئے پھلاں نال سچی ہوئی راہ وچوں لنگ کے نئیں ملدی نہ کسے دے ایمان دے بغیر کسے ہو ردی
متبادل کوشش نال سامنے آؤندی اے۔

انصاف لئی پانی نوں اصلاح دی لوڑ اے۔ رحم بس اوہدوں ای قرض دیندا اے جدوں انصاف تصدیق کردا
اے۔

10-32:428 -10

ایہہ منناں پاپ اے پئی کوئی شے قادر مطلق تے ابدی حیاتی نوں زیواں کر سکدی اے، تے ایہہ سمجھدیاں
ہوئے پئی موت نئیں اے تے ایہدے نال نال روح دے فضلاں نوں سمجھناں حیاتی وچ لولیاؤندا اے۔ فیر
وی ساہنوں اختیار دے سادہ اظہار دے نال شروعات کرنی چاہیدی اے، تے جنسی چھیتی اسی ایہہ شروع
کراں گے اوہنا ای چنگا اے۔ اخیرى اظہار اوہدے پوراہوون وچ تھوڑا ویلہ لیندا اے۔ ٹردیاں ہوئے ساہنوں
اکھ توں ہدایت ملدی اے۔ اسی اپنے پیراں دے سامنے ویکھدے آں، تے جے اسی سیانے ہوئے تے اسی
روحانی ترقی دی راہ وچ اک پیراگاں نوں ویکھدے آں۔

18-12:291 -11

عالمگیر مکتی ترقی تے امتحان اُتے مرکوز اے، تے ایہناں دے بغیر حاصل کرنی ناممکن اے۔ اسمان کوئی تھان
نئیں اے بلکہ سیان دی الہی حالت اے جیدے وچ سیان دے سارے ظہور ہم آہنگ تے فانی ہندے نیں
کیوں جے اوتھے پاپ نئیں اے تے انسان اوتھے اپنی راستبازی دے نال نئیں ”رب دی سوچ“ دی ملکیت
وچ پایا جاندا اے جیویں پئی کلام ای ایہہ دس دا اے۔

12- 6:29-427

ایتھے تے آخرت وچ موت دے سُننے دی قیادت سیان کر دی اے۔ اپنے آپ دے مادی اظہار توں سوچ
”میں مردہ آں“ پیدا ہندی اے تاں جو سچیائی دے ایس چھنکن والے لفظ نوں پھڑ سکے، ”کوئی موت، بے
عملی، بیماری والا عمل، رد عمل تے نہ ای شدید رد عمل اے۔“

حیاتی اصلی اے، تے موت وہم اے۔ یسوع دی راہ وچ روح دیاں اصلیتاں دا اک اظہار مادی سیان دے ہنیر
ادراک وچ ہم آہنگی تے لافانیت نوں حل کردا اے۔

13- 12-10:74

جدوں ایتھے تے ایہدے بعد مادے وچ حیاتی داعقیدہ گھٹ جاندا اے تے اوہ غلطی جیہڑی ایمان نوں جکڑ کے
رکھدی اے اوہ ایمان دے نال ای گھٹل جاندا اے، تے دوبارہ پرانی حالت وچ چرپرت کے کدی نئیں آؤندی۔

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسرے سیکر ایڈی دی لکھی ہوئی کرچن سائنس دی درسی
کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

14- 336:25(رب)-28،29(وچ)-30

رب انسان دالہی اصول، تے رب دی شبیہ اُتے بنیا انسان غیر منفق، ہم آہنگ تے ابدی نیں۔ ہستی دی سائنس کاملیت دے اصول نوں سجاؤندی اے تے لافانیت نوں لو وچ لیاؤندی اے۔۔۔ الہی سائنس دی تربیت وچ، رب تے انسان اکٹھے رہندے نیں تے ابدی ہندے نیں۔

روزانہ دے فرض

میری بیکرائیڈی ولوں

روزانہ دی دعا

ایس چرچ دے ہر رکن دالہیہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوٹیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کرداے، تے اک مسیحی سائنسدان پاپ نوں رد کردیاں ہوئے، سنجی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن داے۔ ایس چرچ دے سارے رکنوں نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیداے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہ انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔